

**ӨВӨРХАНГАЙ АЙМАГ ДАХЬ  
ТӨРИЙН АУДИТЫН ГАЗАР**



# НИЙЦЛИЙН АУДИТЫН ТАЙЛАН

Аудитын код: **ӨВА-2025/06-14-ШТА-НА**

**ОРОН НУТГИЙН ТӨСВИЙН 2024 ОНЫ ХӨРӨНГӨ ОРУУЛАЛТЫН ТӨЛӨВЛӨГӨӨ  
87.8 ХУВЬТАЙ ХЭРЭГЖСЭН БАЙНА.**

## **ОРОН НУТГИЙН ТӨСВИЙН 2024 ОНЫ ХӨРӨНГӨ ОРУУЛАЛТЫН ТӨЛӨВЛӨГӨӨНИЙ ХЭРЭГЖИЛТ**

**Энэхүү аудитын тайлантай холбоотой  
нэмэлт мэдээллийг дараах хаягаар авна  
уу. Цахим хуудас: [www.audit.mn](http://www.audit.mn)**





Аудитын дүн: **АУДИТААР НИЙТ 1,545.7 СЯА ТӨГРӨГИЙН ЗӨРЧИЛ ИЛЭРЧ 8 АЛБАН  
ШААРДЛАГА, 2 ЗӨВЛӨМЖ, 241.6 СЯА ТӨГРӨГИЙН САНХҮҮГИЙН ҮР ӨГӨӨЖ ТООЦОВ**



АЛБАН ШААРДЛАГА - 8



ЗӨВЛӨМЖ - 2




ҮР ӨГӨӨЖ - 241.6 сая

### ЕРӨНХИЙ МЭДЭЭЛЭЛ




Орон нутгийн төсвийн 2024 оны хөрөнгө оруулалтаар 2,085.7 сая төгрөгийн төсөвт өртөгтэй 20 төсөл, арга хэмжээ баталсан.

Төсвийн жилд хэрэгжүүлэхээр их засварын 2,005.8 сая төгрөгийн төсөвт өртөгтэй 21 төсөл, арга хэмжээ баталсан.



- Боловсрол - 37.3%
- Эрүүл мэнд - 5.3%
- Соёл - 16.2%
- Бусад - 18.2%
- Нутгийн өөрөө удирдах байгууллага - 23%

Нийт төсөл, арга хэмжээний 37.3 хувийг боловсрол, 5.3 хувийг эрүүл мэнд, 16.2 хувийг соёл, 23.0 хувийг нутгийн өөрөө удирдах байгууллага, 18.2 хувийг бусад салбарт хөрөнгө оруулахаар төлөвлөжээ.



Барилга, байгууламж-1  
300.0 сая



Их засвар - 8  
475.0 сая



Автозам засвар, арчлалт - 1  
200.0 сая



Тоног төхөөрөмж, тавилга - 9  
1,060.7 сая



Хөрөнгө оруулалтын бус - 1  
50.0 сая

➔ Аймгийн 2024 оны төсвийн жилд хэрэгжүүлэх их засварын төсөл, арга хэмжээнд 2,053.8 сая төгрөгийн төсөвт өртөгтэй 20 төсөл, арга хэмжээг хэрэгжүүлэхээр баталжээ.

➔ Гүйцэтгэлээр орон нутгийн төсвийн 2024 оны хөрөнгө оруулалтаар 1,281.1 сая төгрөгийг, аймгийн 2024 оны төсвийн жилд хэрэгжүүлэх их засварын төсөл, арга хэмжээнд 1,320.5 сая төгрөгийг тус тус зарцуулсан байна.



БҮЛЭГ 1



Дүгнэлт: ХӨРӨНГӨ ОРУУЛАЛТЫН ТӨЛӨВЛӨЛТИЙГ САЙЖРУУЛЖ, ХУДАЛДАН АВАХ АЖИЛЛАГААГ ХУУЛЬ, ЖУРМЫН ДАГУУ ЗОХИОН БАЙГУУЛАХ ШААРДЛАГАТАЙ БАЙНА

Өвөрхангай аймгийн ИТХ-ын тогтоолоор орон нутгийн төсвийн 2024 оны хөрөнгө оруулалтаар 2,085.7 сая төгрөгийн төсөвт өртөгтэй 20 төсөл, арга хэмжээг хэрэгжүүлэхээр баталсан байна.



Өвөрхангай аймгийн Засаг даргын 2020-2024 оны үйл ажиллагааны хөтөлбөрт 414.7 сая төгрөгийн төсөвт өртөгтэй 7 төсөл, арга хэмжээг тусгагдаагүй байгаа нь нийт төлөвлөсөн санхүүжилтийн 19.9 хувийг эзэлж байна.

Аймгийн ЗДТГ-ын Хөгжлийн бодлого, төлөвлөлт, хөрөнгө оруулалтын хэлтэс нь төсвийн хөрөнгө оруулалтыг төлөвлөхөд тавигдах шаардлагыг хангаагүй төсөл, арга хэмжээг тусгаж баталсан, холбогдох хууль, журмын хүрээнд чиг үүргээ бүрэн хэрэгжүүлээгүй зэрэг алдаа, зөрчлүүд илэрлээ.

Гүйцэтгэгчийг сонгон шалгаруулах ажиллагааг холбогдох хууль, журамд нийцүүлэн зохион байгуулаагүй байна.



Ангилал	Нээлттэй тендер шалгаруулалтын арга	Харьцуулалтын арга	Шууд худалдан авах
1 Барилга байгууламж	2	4	
2 Их засвар	6	11	2
3 Тоног төхөөрөмж	2	5	2
<b>Дүн</b>	<b>10</b>	<b>20</b>	<b>4</b>



ОНТХО-аар хийгдэх 1,137.6 сая төгрөгийн төсөвт өртөгтэй 10 төсөл, арга хэмжээний гүйцэтгэгчийг сонгон шалгаруулахдаа үнэлгээний хороо нь гүйцэтгэгчийг сонгон шалгаруулах тендерийн баримт бичиг, холбогдох хуулийн заалтыг мөрдөж ажиллаагүйгээс зөрчилтэй шийдвэр гарсан байна.



БҮЛЭГ 2



Дүгнэлт: ХӨРӨНГӨ ОРУУЛАЛТААР ХИЙГДЭХ ЗАРИМ ТӨСӨЛ, АРГА ХЭМЖЭЭГ ХУГАЦААНД  
НЬ ХЭРЭГЖҮҮЛЭЭГҮЙ, ХАРИН БОДИТ ГҮЙЦЭТГЭЛД ҮНДЭСЛЭН САНХҮҮЖҮҮЛСЭН БАЙНА.



Гүйцэтгэлээр орон нутгийн төсвийн 2024 оны хөрөнгө оруулалтаар 1,281.1 сая төгрөгийг, аймгийн 2024 оны төсвийн жилд хэрэгжүүлэх их засварын төсөл, арга хэмжээнд 1,320.5 сая төгрөгийг тус тус зарцуулсан байна.

2

ЧАНАРГҮЙ, ДУТУУ  
ГҮЙЦЭТГЭСЭН ТАХ-2  
35.4 САЯ



5

ТӨЛӨВЛӨСӨН ХУГАЦААНД  
ХЭРЭГЖЭЭГҮЙ ТАХ-5  
539.0 САЯ



3

НЯГТЛАН БОДОХ БҮРТГЭЛД  
ТУСГААГҮЙ ТАХ-2, ЗӨРҮҮТЭЙ  
ДҮНГЭЭР БҮРТГЭСЭН ТАХ-1  
206.2 САЯ



1

ТЕХНИКИЙН ТОДОРХОЙЛОЛТОД  
НИЙЦЭЭГҮЙ АВТОМАШИН  
НИЙЛҮҮЛСЭН, ХҮЛЭЭН АВСАН ТАХ-1  
95.0 САЯ



Орон нутгийн төсвийн 2023 оны хөрөнгө оруулалтаар баригдсан барилга байгууламжийн ашиглалт, хадгалалт хамгаалалт зэргийг үзэхэд сумдад төрийн албан хаагчийн байр барьж ашиглалтад өгсөн гүйцэтгэгч 2 аж ахуйн нэгж нь барилга угсралтын гэрээний дүнгийн 35.4 сая төгрөгийн төсөвт тусгагдсан ажлыг чанаргүй, дутуу гүйцэтгэснээс болж ашиглалт хангалтгүй байна.



Нягтлан бодох бүртгэлд 2 төсөл, арга хэмжээг тусгаагүй, 1 автомашиныг зөрүүтэй бүртгэсэн байна



Орон нутгийн 2024 оны төсвийн хөрөнгө оруулалтаар хэрэгжүүлэхээр батлагдсан төсөл, арга хэмжээнээс 5 ТАХ-г төлөвлөсөн хугацаанд хэрэгжээгүй байна.



Орон нутгийн төсвийн 2024 оны хөрөнгө оруулалтаар 95.0 сая төгрөгийн санхүүжилтээр автомашин нийлүүлэхдээ гүйцэтгэгч нь техникийн тодорхойлолт, ажлын даалгаврын дагуу нийлүүлээгүй байна. Автомашиныг хүлээн авах комисс нь тендерийн бичиг баримтад тусгасан техникийн тодорхойлолт, чанар шаардлагад нийцээгүй байхад хүлээн авахаар шийдвэрлэсэн байна



## АУДИТЫН ДҮГНЭЛТ

Аудитын явцад цуглуулсан нотлох зүйлд тулгуурлан дараах дүгнэлт хийж байна.

Үүнд:

Хөрөнгө оруулалтаар хэрэгжүүлэх төсөл, арга хэмжээг бага өртөг бүхий, урсгал зардалд тусгаж болох зардлуудыг санхүүжүүлэхгүй байх, тэргүүлэх ач холбогдолтой, хэрэгцээ шаардлагаар нь эрэмбэлсэн, тооцоо судалгаатай ажлуудыг төлөвлөх шаардлагатай байна.



Үнэлгээний хороо нь орон нутгийн төсвийн хөрөнгө оруулалтаар хэрэгжүүлэх зарим төсөл арга хэмжээний гүйцэтгэчийг сонгон шалгаруулахдаа ТБОНӨХБАУХАТ хуулийг зөрчсөн байна.



Орон нутгийн 2024 оны төсвийн хөрөнгө оруулалтаар хэрэгжүүлэхээр батлагдсан төсөл, арга хэмжээнээс 5 ажил төлөвлөсөн хугацаанд хэрэгжээгүй байна.



Төсөл арга, хэмжээнд хууль тогтоомжийн дагуу захиалагчийн хяналтыг хэрэгжүүлж байгаа хэдий ч гүйцэтгэчийн гаргасан зөрчил дутагдалд хариуцлага тооцохгүй байгаагаас ажлыг чанаргүй хийх байдал давтагдан гарч байна.



Орон нутгийн төсвийн хөрөнгө оруулалтаар хийгдсэн зарим төсөл, арга хэмжээг нягтлан бодох бүртгэлд бүрэн тусгаагүй байна.



## АУДИТЫН ЗӨВЛӨМЖ

Аудитын дүн, дүгнэлт нотлох зүйлст үндэслэн дараах зөвлөмжийг өгч байна. Үүнд:

ӨВӨРХАНГАЙ АЙМГИЙН ЗАСАГ ДАРГА  
О.ПҮРЭВДОРЖ ТАНАА

Орон нутгийн төсвийн хөрөнгө оруулалтаар хэрэгжүүлэх төсөл, арга хэмжээг бага өртөг бүхий, урсгал зардлын шинж чанартай ажлыг санхүүжүүлэхгүйгээр тэргүүлэх ач холбогдолтой, хэрэгцээ шаардлагаар нь эрэмбэлсэн, тооцоо судалгаатай ажлуудыг хэрэгжүүлэх, төсөл арга хэмжээг төлөвлөхдөө Засгийн газрын 2023 оны 278 дугаар тогтоолоор батлагдсан “Төсвийн хөрөнгө оруулалтаар хэрэгжүүлэх төсөл арга хэмжээг төлөвлөх, санхүүжүүлэх, хянах, тайлагнах журам”-д нийцүүлэн төлөвлөж байх;



Орон нутгийн төсвийн хөрөнгө оруулалтаар хэрэгжүүлэх төсөл, арга хэмжээний жагсаалтад зураг төсөв нь магадлалаар баталгаажсан барилга, байгууламжийг батлаж, хуулийн шаардлагад нийцүүлэх;

